



UNIVERSITÄTS-  
BIBLIOTHEK  
PADERBORN

## **Catena Temporum**

**Andrian, Carl**

**Herbipoli, 1698**

Series IV. Romanorum Pontificum & S. R. Eccles: Cardinalium ritus & vices

---

[urn:nbn:de:hbz:466:1-65485](https://nbn-resolving.org/urn:nbn:de:hbz:466:1-65485)

causas ad sedem Apostol: referri solemniter  
Ecclesiæ mos est, quem fides Petri nunquã  
deficiens, perpetuò retineri pro jure suo  
postulat.

Petrus de Marca Archiepisc: Parisiensis  
extremo vitæ anno Gallicè dissertationem  
de Summi Pontificis infallibilitate compo-  
suit, quam Paluzius de ore dictantis excep-  
pit, uti ipse testatur in vita illius.



## SERIES QUARTA.

*Romanorum Pontificum & S. R. Ec-  
clesiæ Cardinalium ritus &  
vices.*

*I. Saculum à 1. ad 100.*

**S** Clemens, quem D. Petrus successorem  
sibi designarat, Linum præcedere ma-  
luit, ne apud posteros noceret exemplum.

**S.** Cletus primus Cleri & populi Romani  
suffragiis in pontificem electus.

**S.** Clemens ad tuendam Pontificiam dig-  
nitatem peculiare vestes assumit.

Qui Romano Pontifici, consilio & operã  
adessent (quod Cardinalium munus est hoc  
sæculo) non defuerunt, sed Cardinalis no-  
men nondum est auditum.

*Sacu-*

☉ ☉ *Sæcul. II. à 100. ad 200.* ☉ ☉

Sub Anacleto Pontifice 72. Cardinales institutos qui tradunt, vix fidem inveniunt.

S. Evaristus 7. urbis regionibus, quot eâ tempestate numerabantur, septem Diaconos assignavit, ut in sua quisque Regione Sacra procuraret.

Hi titulum à regionibus desumebant scribentes *exempli gratia; Cyprianus Diaconus S. R. E. Regionis prima.*

S. Hyginus Ecclesiæ gradibus Ordinatis, presbyteros & Diaconos Cardinarios five Cardinales distinguisse creditur.

☉ ☉ *Sæcul. II. à 200. ad 300.* ☉ ☉

Qui 236 Cardinales Romæ vixisse, sedente Pontifice Pontiano tradunt, fabulari censentur.

Ecclesiâ domos & prædia possidente, Cardinalium tituli vel ab his, vel à donantium nominibus sumebantur. Hinc vetustissimi *Lucina, Vestina Pastoris &c.*

Presbyterium, hoc est Consistorium primò memoratur sub Cornelio.

Ostiensis Episcopi jam tum munus erat, electum Romanum Pontificem ritu solenni consecrare.

Papæ nomen, quo Patrem significamus, commune primò fuit Clericis venerandis & Episcopis omnibus, mox his cœpit esse peculiare, *Baronius.*

*Sæc.*

152 *Rom. Pontificum & S. R. E.*

☉☉ *Sæculum IV. à 300. ad 400.* ☉☉

S. Marcellus Cardinalium titulos auget. An. 809.

S. Sylvester, dum Constantinus nomen Christo dedisset, Tiaræ aureum addidit Phrygium.

Idem septem Diaconos Regionarios sive revocavit, sive confirmavit.

Augto Christianorum & regionum urbis numero Diaconi Cardinales 14. Instituti.

☉☉ *Sæcul. V. à 400. ad 500.* ☉☉

Ubi desæviit Cæsarum in Christianos furor, templa in domibus & prædiis Ecclesiæ ædificari cæperunt, & ab ijs tituli inducti. *Exempli causâ: Speciosus Presbyter Card. S. Laurentij in titulo Lucina.*

Legati à latere nomenclatura desumpta videtur à litteris D. Leonis Magni ad Julianum.

Cautum est in Synodo Romana sub Hilario, ne quis successorem sibi eligeret.

Sedente Symmacho Cardinalium tituli 28. Hi per numerum septenarium divisi quatuor Patriarchalibus basilicis adscribebantur.

S. Felix P. III. primus Imperatorem in Epistola filij nomine compellavit.

Hoc Sæculo Papæ appellatio peculiari quodam modo Romano Pontifici tribui cœpit. *Saussayus.*

*Sæc.*

☉☉ *Saecul. VI. à 500. ad 600.* ☉☉

Theodoricus Ital: Rex Rom: Pontificis eligendi potestatem usurpat 516.

Gordianus S. Gregorij Magni pater Cardinalis ab uxore vivente secretus.

Justinianus I. Imperator indulgente Vigilio morem inducit, quo liceret Imperatori electum Pontificem confirmare, acceptâ ad id certâ pecuniâ, quod usque ad Benedictum II. ægrè toleratum est.

Pelagius I. Eligendi Pontificis modum præscribit.

Exarchi Ravennates moniti de electione Pontificis, suo decreto ratum habebant.

*Diarium Pontif:*

☉☉ *Sac. VII. à 600. ad 700.* ☉☉

Bonifacius III. sancit, ne quis demortuo Pontifici subrogetur, nisi post tertium diem.

Sacrum Chrisma & Evangelium in solemnibus supplicationum pompis Romano Pontifici Acolythy præferebant.

Joannes IV. abjectâ cerâ, plumbo diplomata primus obsignat.

Constantinus Pogonatus veterem comitiorum libertatem Eccles. Roman: restituit.

Joannes V. & Sergius I. Salutem & Apostolicam benedictionem in bullis primi præmittunt.

Primus Romanæ Ecclesiæ thesaurarius sub Agathone. *Genebrard.*

*Sac.*

☉ Sac. VIII. à 700. ad 800. ☉

Prostratio Imperatoris ante Pontificem  
ejusque pedum excolatio 709.

Gregorius III. 14. Diaconis Cardinalibus  
4. addit Palatinos, quorum munus erat  
Pontifici in Ecclesia Lateranensi ministrare.

Sub Stephano III. 769. In Concilio Ro-  
mano decretum est, ne quis eligeretur in  
Pontificem nisi ex Cardinalium Collegio.

Pipinus Galliarum Rex primus equi Pon-  
tificij frænum tenens, Stephanum III pedes  
deducit in regiam.

Sex Cardinales Episcopi sub Stephano  
IV. primò memorantur.

☉ Saculum IX. à 800. ad 900. ☉

Lotarius primus amotis iis, quibus jus  
suffragij non erat, à comitijs Pontificijs tur-  
bas arcet, jubetque ijs vel regem, vel lega-  
tum interesse.

Leo IV. Reges & Cæsares sacris comi-  
tijs immisceri vetat.

Nicolaus I. Aureo circulo tiram ornat.

Joannes VIII. Cardinalium jura pri-  
mus evulgat.

Crucis gestatio ante Romanum Pontifi-  
cem vel inducta, vel illustrior reddita.

In fine hujus sæculi nullus amplius Ca-  
tholicus Episcopus Papæ nomine uti sole-  
bat, propriumque celebatur Rom: Ponti-  
ficis. *Baronius.*

*Sæc.*

☉ *Saculum X. à 900. ad 1000.* ☉ 90

Octavianus Pontificatum adeptus, nomen primus immutat, dictus Joānes XII. 956.

Septem Cardinales Episcopi singulis hebdomadis in Lateranensi Basilica Pontificis vices explent; unaquæque reliquarum patriarchalium Basilicarum septem Presbyteros Cardinales assignatos numerat. Diaconi Cardinales regionarij 12. Palatini sex.

Gregorius V, quamvis non Cardinalis, Pontifex renunciatur, quod idem postea contigit in Victore II, Eugenio III, Urbano IV. Gregorio X. Cælestino V. Et Urbano VI.

☉ *Saculum XI. à 1000 ad 1100.* ☉ 90

Damasus II primus diplomata incarnationis anno consignat.

Leo IX. primus suo nomine consignatam pecuniam cudisse videtur.

Pallium & ornamenta Pontificia medio fere sæculo mutantur *Videatur Papenbrochius in Propylæo.*

Nicolaus II. creandi Romani Pontificis jus ad cardinalium suffragia revocat 1059.

Romani Pontificis possessione, Pontificatus adeundi ceremonias hoc sæculo usurpari solitas refert Baronius in Paschali II. 2099.

Gregorius VII. 1073. in Romanâ Synodo

do

do vetat ab alio quàm à Rom: Pontifice  
Papæ nomen usurpari.

Sub Paschali II. Cardinales 19. numerati

☉ *Sacul. XII. à 1100. ad 1200.* ☉

Alexander III. fanxit, ne Pontifex electus  
ratus esset, nisi minimum duas suffragio-  
rum tertias partes tulisset.

Gregorius VIII. functus Cancellarij mu-  
nere, dum Cardinalem ageret, ad Pontifica-  
tum euectus, nullum ex Patribus sibi substi-  
tuit, sed Moysen Canonicum Lateranen-  
sem Cancellarij vice fungi jubet, hinc ille  
& successores Vice. Cancellarij appel-  
lati *Ciacconius Azor & alij. Saussaya non  
probat. quamvis non meliora asserat.*

☉ *Sacul. XIII. à 1200. ad 1300.* ☉

A Gregorio IX. Ad Cælestinum V. Car-  
dinalium numerus adeo imminutus est, ut  
nunquam plures quàm 22. aliquando vix  
10 aut 8 recenserentur.

Purpureus Galeris cardinalibus datus  
ab Innocentio IV. In Concilio Lugdunensi.

Conclavis ad Pontificẽ eligendum initiũ  
Viterbij S. Bonaventurã persuadente 1270.

Gregorius X. severiores de Pontifice eli-  
gendo leges tulit.

Nicolaus IV. dimidiam Pontificiorum ve-  
tigalium partem Cardinalibus assignat.

Bonifacius VIII. primus duplici corona  
ieram circumdat,

SACR.



☉ *Secul. XIV. à 1300. ad 1400.* ☉

Clemens IV. In Viennensi concilio decernit Romam Pontificem posse abdicare.

Clemens VI. severas Pontif: comitorum leges à Gregorio X. latas temperat.

Idē primus diplomata gentilitijs insignibus munit. Qua in re vix habuit imitatores.

Annulus piscatorius per hæc tempora coeptus adhiberi.

Urban<sup>9</sup> V. primus triplicē coronā inducit.

Sub Gregorio XII. Eucharistiæ, Romano Pontifici iter habenti præferendæ certus usus apparet. *Angelus Roccha.*

☉ *Secul. XV. à 1400 ad 1500.* ☉

à Martino V. Leges Cardinalibus datæ.

Idem primò in arcano pectoris servat nomina lectorum in patram senatum, ita tamen ut senatui nota esse velit.

Eugenius IV. Usus tacendi lectorum Cardinalium nomina rejicit.

Post mortem Eugenij IV. primò habitæ sunt orationes duæ, altera de mortui Pontificis laudibus ab Auditore Rotæ, altera de successore eligendo à Cardinali.

Paulus II. purpureas vestes Cardinalibus in signum tribuit.

Julius II. iterum retinet in arcano pectoris Cardinalium lectorum nomina, & nulli revelat.

○

*Secul.*

☉☉ *Sac. XVI. à 1500. ad 1600.* ☉☉

Leo X. numerum Patrum auget lectis in sacrum senatum 31. anno 1517.

Idem, & Paulus III duobus Cardinalibus è sacra S. Benedicti familia purpureæ vestis usum alicubi permittunt.

Pius IV. etiam Oecumenico sedente Concilio Romani Pontificis electionem à Cardinalibus faciendam decernit.

Sixtus V. numerū 70. Cardinaliū præfigit. Purpureus Pileus Cardinalibus regularibus datur à Gregorio XIV.

De veste eisdem purpurea concedendâ aliquoties actum, sed irritò successu.

☉☉ *Sac. XVII. à 1600. ad 1698.* ☉☉

Clemens VIII. missis per Maphæum Barberinum Ludovico XIII, Henrici IV, recens nato filio Sacris fascijs, eum honorem regum primogenitis scepro destinatis habendi morem inducit 1601.

Hieronymus Cardinalis Rusticuccius novo exemplo duos retinet titulos.

Gregorius XV editâ constitutione Pontificiâ comitia novis legibus munit.

Urbanus VIII. Eminentissimi titulum Cardinalibus attribuit.

Constitutio moderatrix donationum & distributionis reddituum Ecclesiasticorum in consanguineos & affines Rom: Pontificis editur ab Innocentio XII. 1692,

SERI.